



東華錄

廿五



漢書門	
八	八
三	二
冊	架
函	號
類	

內閣文庫	
番號	漢 8881
冊數	32 (25)
函號	286 97





東華錄卷之二十五

湘源蔣良騏千之父

雍正元年正月先是河南武陟縣馬營口河決副都御史  
牛鈕侍講齊蘇勒奉旨前往堵築牛鈕等議于黃河北  
岸自沁河堤至詹家店十八里無堤處接築遙堤以資捍  
禦河南巡撫楊宗義以沁黃並漲時水無所洩恐致衝決  
不若仍留空隙以備宣洩至是河督陳鵬年奏現在河勢  
奔趨較前情形不同無堤攔束亦屬可虞請如牛鈕等議  
從之





上諭大學士等國家養育人材首重翰苑必當立品端方  
居心敬慎方爲不愧官箴聞有僥倖之徒平昔結黨營私  
至科場年分互相援引請託遇謹守之人畏法不肯通用  
作弊反羣相排抵飛語誣陷此風斷不可長著大學士張  
鵬翮尙書田從典徐元夢左都御史朱軾侍郎張伯行李  
紱會同掌院學士將翰林院詹事府等官不安本分有玷  
官箴者查明勒令解退回籍毋得徇情 吏部遵 旨議  
各教職俱以舉人恩拔副榜廩生挨貢補用其捐納人員  
教諭改以縣丞訓導改以主簿用從之

上諭總理事務王大臣等外間匪類捏造流言謂朕鍾愛  
十六阿哥令其承襲莊親王爵承受其家產朕爲君上何  
必藉承襲莊親王以加厚于十六阿哥乎且如發遣一人  
卽謂朕報復舊怨擢用一人又謂朕恩出于私今諸王大  
臣俱在朕所用佛格永泰等何私之有勒什亨險邪小人  
伊父蘇努係七十之黨結爲死生之交七十等朋比爲奸  
搖惑人心擾亂國政朕于蘇努父子宥其罪戾疊沛恩施  
封蘇努爲貝勒授勒什亨爲領侍衛內大臣御前行走亦  
冀其感恩悛改豈知伊等仍然結黨營私庇護貝子允禔



代爲支吾巧飭將朕所交之事顛倒錯謬又朕諸兄弟家  
有奸惡太監數人種種引誘其主若明正其罪則牽連伊  
主之處甚多朕念兄弟之情加意保全將此輩發往遐方  
會詔勒什亨曰此不過懲治家人不必記在檔案而勒什  
亨顯悖朕旨記載檔案勒什亨著革職發往西寧跟隨允  
禱効力又我朝舊制行軍必派王公前將貝子允禩派往  
駐扎西寧此不過爲邊疆起見而允禩怠慢不肯起程奏  
云俟過百日又云俟陵寢回來屢次推諉誠屬何心且允  
禩太監何玉柱而使有家貲數十萬伊府管領用一漢給

事中秦道然豈非欲耀內廷太監以財利而邀外廷漢人  
之稱譽乎如此作爲朕並未革其貝子所懲治者特一二  
奸惡之太監耳而遽謂朕凌逼弟輩揚言無忌悖亂極矣  
尔等諸臣理宜感發天良翼贊朕躬乃爲職分如不思  
皇考六十餘年之教養深恩不感戴朕保全寬宥之意忘  
生事端于犯法紀斷不寬宥 總管內務府事莊親王允  
祿等言順直門爲內廷禁近之地請將旗下護軍更換令  
內府護軍等看守並於內府三旗內每旗補放統領一員  
定爲三品從之



命在京部院衙門復行三年考察之例 副將軍阿喇納  
奏羅卜腦兒屬人古班爾等率領哈喇庫爾薩達克圖哈  
喇和韶三處戶口一千餘人投誠 二月福州將軍宜兆  
熊疏言臣抵任年餘練兵整械查駐防四旗及臣標兩營  
所用盤槍皆係三段續成經久必壞又子母砲祇十八年  
現捐造盤槍千九百六十一桿子母砲二位以資操演  
上以捐貲過多諭曰向後四旗兩營若有應行增造軍器  
不必捐貲宜動用公項爲之 命撤回駐藏官兵 年羹  
堯言打箭爐之外中渡河口係通西藏要隘請將守備移

駐建昌所屬越雋衛地方寥濶請改設遊擊彈壓從之  
四月湖廣總督楊宗仁疏言湖廣素稱俗薄民刁兵驕吏  
玩細究其故皆由文武大員向所屬官弁索取陋規節禮  
州縣必至橫征私派武弁必至虛兵冒餉兵民挾此逞奸  
員弁不敢過問臣今槩行禁革不許文官有私派武弁有  
扣冒之弊庶兵民不得借詞逞私驕悍之習冀可化潛  
消再兩湖南方鹽價逐漸增長窮民每興嗟怨揆厥所由  
各官多貪鹽規商人借此長價卽如總督衙門鹽規漸次  
加至四萬從前一錢一包之鹽今則分然昂貴至一錢五



夏書金 卷三十五  
六分不等臣今盡革鹽規令商人減價出售以惠窮民俾  
地方漸有起色至于嚴禁官宦富室囤積止令商販往來  
俾米價漸平與力行保甲稽查匪類等件皆臣職分應行  
之事不敢一一瑣陳 旨覽爾所奏朕深嘉悅在他人猶  
听其言而觀其行至于尔則信而不疑斯乃全楚地方否  
極而泰之機也 福建巡撫黃國材疏稱本朝定例自順  
治八年奉有熱審減等之例遵行甚久康熙四十三年停  
止熱審蓋恐罪人希冀減等按延時日不無資緣賄縱之  
弊但近年來夏月必特沛恩綸暫釋刑具臣見閩廣下濕

監犯之苦最甚伏思

皇上慎重民命直省讞案必親加詳察多予矜全臣以爲  
宜復熱審舊例准減等如慮延挨俾免則嚴飭各官按限  
完結毋任胥吏作弊遲延庶固罔悉蒙寬恤之仁矣

上嘉納之 命怡親王總理戶部事務

上諭侍讀學士等曰田文鏡致祭華岳回京朕詢彼經過  
地方情形與百姓生理據奏山西平定州壽陽縣徐溝縣  
祁縣等處雨澤歉少民計維艱汾州府屬兩未霑足地方  
官現在征比錢糧夫巡撫以撫綏地方爲職今平定等處



東華錄 卷三十五 五  
飢饉並未奏請賑濟緩征乃反行催科小民何以存濟此  
皆伊等去年曾奏得雨今欲掩飾前言甚屬不合卽命田  
文鏡會同巡撫音德速行賑濟務使得所 封十七阿哥  
允禮爲多羅果郡王 五月直隸巡撫李維鈞奏直隸從  
前虧空計州縣歲之所餘積累填補二年督令清理奉  
上諭州縣官令少從容不慮窘乏方可責其盡心撫字少  
有餘貲亦可自爲地方興利之舉何可勒令爲他人補苴  
虧缺耶

上諭翰林院曰凡部院衙門俱有司官專管定稿說堂筆

帖式專管繙繹所官專管收發文書翰林院衙門亦有錢  
糧出入陞遷議敘並各衙門文移往來事務煩瑣關係匪  
輕乃俱出自筆帖式與簿所之手豈得保無弊端嗣後于  
俸淺編檢內擇才守優長者滿漢各二員充作司官專主  
定稿說堂庶小吏不得作弊而衙門肅清所委充司官之  
編檢果實心任事辦理公敏掌院學士據實奏聞加以殊  
恩 湖廣總督楊宗仁摺薦廣東南海縣知縣宋璋陞補  
湖南寶慶府知府廣州左衛守備范宗堯改補湖北漢陽  
縣知縣



貢善金 卷三十五  
上諭隔省題官實屬越例假若別省賢員彼督撫不行摺  
薦者備將情節聲明密奏則可今因初次姑從爾請後勿  
踵行

諭此番係特恩加科士子有因迴避不曾應試者殊屬可  
憫卽令派出檢閱落卷大臣擬題奏請于內閣考試等取  
四卷并落卷中之前二名俱取中爲舉人

二十二日庚子

仁壽皇太后不豫 辛丑崩於永和宮

諭總理王大臣等貝子允禩原屬無知狂悖氣傲心高朕

惟欲慰

皇妣皇太后之心着晉封爲郡王伊若從此改悔朕自疊  
沛恩澤若怙終不悛則國法具在允禩來時著將此旨傳  
諭之 湖廣總督楊宗仁疏言俸工一項乃朝廷祿養官  
役之恩豈可任意飭捐以填貪壑湖廣州縣以上俸工報  
捐已經十有餘年總無分厘給發責成官役枵腹辦事焉  
能禁其不需索閭閻今自雍正元年起一切官役應支俸  
工俱令各照額編支領俾均沾實惠從前凡有公事無一  
不令州縣分捐實皆派累百姓臣通長計算但令州縣于



所得加一耗羨內節省二分解交藩司以充一切公事之費此外絲毫不許派捐近奉部文又將解部餘平一分恩賜免解承辦公事更得有餘况節禮陋規槩行禁革則州縣亦易于補苴從前虧空矣得

旨所言全是一無瑕疵勉之 六月加封孔子先世五代俱爲王爵 湖廣總督楊宗仁以病疏請以子榆林道楊文乾隨任終養 詔加文乾按察使銜馳駟速赴並遣御醫診視 七月雲南巡撫楊名時疏言巡撫衙門一切規禮臣一無所收所有鹽規五萬二千兩除留爲恤灶修并

用外尙餘四萬六千兩爲臣供用累年供應在藏官兵軍需賞資及公私所用皆取諸此又銀廠缺課每年約二三十萬兩厥員視爲畏途臣會將所得鹽規撥補銀廠缺課並捐賠前任督撫運糧倒斃牛馬等項各奏明在案臣更有請者若藏名旣撤費用簡省乞將鹽規准留若干與臣衙門充用其餘以供公用得

旨督撫羨餘豈可限以科則惟視秉心何如耳取所當取而不傷乎廉用所當用而不涉乎濫固不可朘削以困民亦不可矯激以沽譽若一切公用犒賞之需至于拮据窘



東華錄 卷三十五  
之殊失封疆之休非朕意也必使兵民溫飽官弁豐足督撫司道亦皆饒裕乃朕所願是在爾等揆情度理而行之其是與否自難逃朕之鑒照也 年羹堯疏請于布隆吉爾建城駐兵從之 湖廣督楊宗仁疏言湖北糧道管理全省漕運兵糈一歲中計有半年公出舊設駙鹽道管全省駙遞號船應付勘合火牌淮鹽到楚盤驗察私督運額銷引目職守迥異康熙五十八年依前督臣滿丕奏以駙鹽道歸併糧道似未妥協請復設以專責成下部議行 八月以兩廣總督楊琳專管廣東總督事務陞廣西巡撫

孔毓珣為廣西總督仍管巡撫事 大學士等言江西山東所產麥穀皆兩歧獲穗蜀麥一幹四穗內池運房同莖分蒂諸瑞疊呈實皆

皇上聖德之所感召請宣付史館下部從之 江西撫裴率度奏於獲寧州銅鼓營奸細請嚴搜捕得 旨此等匪類固不容姑息亦不宜急迫若涉因循恐漸至滋蔓若不辨奸良又恐驚眾激成事端但須整理營伍百姓自畏威懷德此一二匪類何難消弭全在大吏相机而行實心任事也 福撫黃國材疏言章服為等威所繫况物力艱難



尤當愛惜臣歷任外吏目睹地方淳樸者頗多殷實奢靡者必至貧寒近年八旂風俗奢靡衣服貴賤相同請嚴禁僭越杜絕奢華白丁下賤人等止許服黑色布疋不得用綾羅綉緞及各種細毛違者重治其罪

上曰此奏切中時病奢僭之弊朕亦稔知但陋習因循一旦遽然禁止若非立法嚴峻有犯無宥不能使之永遠遵奉揆之于理移風易俗宜漸不宜驟究以從容不迫爲貴爾等姑且徐徐勸導倘仍不改革然後嚴爲定制以法繩之可耳 侍郎牛鈕疏禁官兵人等服用五爪龍下部議

行

上御乾清宮西煖閣召王大臣及文武諸臣入諭曰朕自卽位以來念

聖祖付託之重安可怠忽不爲長久之慮當日

聖祖因二阿哥之事身心憂悴不可殫述今朕諸子尙幼建儲一事必須詳加審慎此事雖不可舉行然不得不預爲之計今朕特將此事親寫密封藏于匣內置之乾清宮正中

世祖章皇帝御書正大光明匾額之後乃宮中最高之處



東華錄 卷三十五  
以備不虞諸王大臣咸宜知之 總理王大臣等遵 旨  
議奏羅卜藏丹津人懷異志糾眾盟誓  
皇上念伊祖顧實汗恭謹効順不卽加罪特遣侍郎常壽  
諭以利害前往和解羅卜藏丹津並不听常壽之言欲與  
戴青和碩齊察罕丹津交戰又冀望汗號又私稱爲達賴  
混台吉殊屬悖逆現今伊欲往察罕丹津處爭戰應調西  
寧之兵俟羅卜藏丹津渡黃河時于渡口邀截其後至松  
潘兵丁請令提督岳鍾琪帶領前往就近應援其西路軍  
務應行文年羹堯詳加定議辦理從之 常壽奏親王戴

青和碩齊察罕丹津領兵與羅卜藏丹津相持勢難抵敵  
率妻子屬人來至河洲老鴉關外臣卽令其進邊居住報  
聞 先是上杭縣奸民温上貴往台灣從朱一貴得僞元  
帥剖付及木刻僞卽仍還上杭縣將煽誘其鄉人從賊聞  
朱一貴伏誅遂窺江西潛結棚匪數百人謀掠萬載縣城  
知縣施昭庭調集鄉勇同營汛官兵勦捕擊斃三百餘人  
生於温上貴與其党十數人並正法于是大學士白潢尙  
書張廷玉各條奏禁戢棚匪策勅督撫詳議閩督滿保疏  
言閩浙兩省棚民以種蔴種靛種烟造紙燒炭煽鉄等項



爲業奸良不一合地鄰出結五棚長連環互結若有爲匪  
不法事踪跡可疑而弗首報者依律連坐自不敢容隱州  
縣官于農隙時徧履各棚稽察如始勤終怠約束不嚴卽  
劾罷之遇有棚民之州縣缺出於通省揀選才守兼優之  
員調補則治法與治人咸收實效矣下部議行 九月  
上諭順天府尹鄉飲酒禮敬老尊賢之古制近因年久視  
爲具文筵宴亦多草率爾衙門應加謹舉行 戶部議直  
撫李維鈞請將丁銀攤入田糧之內應于雍正二年爲始  
造冊征收 除浙江紹興府隋民丐籍 湖督楊宗仁疏

言襄陽府屬之樊城鎮五方雜處商賈輻輳奸究易以潛  
踪請移襄陽同知駐樊城彈壓從之又言清淨盜源稽查  
窩賭窩逃法莫善于力行保甲臣到任後卽通飭所屬令  
紳於兵役與齊民一體鱗次挨編保甲不許脫漏一戶聯  
絡守望百姓稱便誠恐州縣奉行不得法今專委本管道  
員稽查如有未盡合法之州縣卽令指示照式編次擇其  
善者另予優獎得 旨此奏甚好凡舉行一法必示以勸  
懲方期有效耳 雲督高其倬疏言雲貴兩省土司承襲  
向有陋規上下衙門每因文結舛錯借端需索若累臣已



嚴行禁革並請嗣後咨部文冊內數字舛錯無甚關係者  
免其駁換于疏內代爲聲明庶承襲事易結指索弊除得  
旨嘉獎 十月年羹堯奏青海羅卜藏丹津猖狂臣領  
兵自甘州起程於本月初間至西寧 旨以羹堯爲撫遠  
年羹堯奏臣奏調火木多總兵周瑛截羅卜藏丹津往  
藏後路但恐其遁穆魯烏蘇等處請令富寧安調都統穆  
森往吐魯番駐防調吐魯番副將軍阿喇納帶兵二千由  
噶斯一路截殺報聞 年羹堯奏十月厄魯特二千番賊  
一千圍我鎮海堡都統武格泰將宋可進等大敗之殺傷

六百餘人擒叛逆囊素阿旺丹津 又奏羅卜藏丹津兵  
五千攻入西寧之南川口遂圍申中堡守備馬有仁泰將  
宋可進遊擊元繼尹等擊走之 又奏賊二千餘據北川  
新城守將馬成輔及援將王嵩宋可進破走之又莊浪番  
人助賊臣調兵攻破最險之碁子山茨爾溝一處斬獲甚  
眾擒厄爾布及謝爾蘇賊首正法 旨嘉獎 又奏招撫  
西寧下北塔三十村庄回目又勦上北割賊眾擒其頭目  
正法 又奏厄爾特賊眾劫奪我新城堡等處殺我守備  
李國強外委馮光永肆行擄掠臣調總兵黃喜林等往勦



殺傷奇嘉寺逆賊五百餘喇嘛番子一千餘擒賊目七名  
器械牲畜無算 部議廣西督孔毓珣言粵西地方邊遠  
商本無多以致誤課誤鹽民憂淡食請動藩庫銀六萬兩  
令鹽道委員辦理官運官銷行之三年可以酌減鹽價從  
之 年羹堯奏進勦青海五事一請選陝西甘肅四川大  
同榆林綠旗兵及外藩蒙古兵萬九千令鍾琪等分領由  
西寧松潘甘州布隆吉爾四路進勦一防守西寧永昌布  
隆吉爾巴塘裏塘黃勝關察木多諸邊口一除歸化城張  
家口所買馬駝外請太僕寺撥孳生馬二千巴里坤選駝

二千赴軍備用一貯備軍糧卽以臣在西安時預買米六  
萬石充運一請以景山所製火器給軍總理事務王大臣  
議如所請 十月敕平郭羅克功晉年羹堯二等公一十  
二月年羹堯奏叅將孫繼宗遊擊孫超節副將潘之喜戰  
敗賊于布隆吉爾 雲督高其倬疏言雲貴魯魁山土目  
楊方普李四姓糾眾剽掠不聽約束本年十月內其酋方  
景明等率猓夷數百殺元江猓目施和尙樊其寨臣遣兵  
分勦於景明及猓夷三百二十六名分別正法報聞一山  
西巡撫諾岷疏言州縣錢糧屢經盤查一時難窮底裏現



夏三金 卷三十五  
查出虧空尤甚者指名叅奏其餘各州縣須通行調任今將倉庫互相盤查方能徹底澄清又言前任撫臣音德叅奏無抵虧空各員均革職留任奈不行補完益增虧空應同現查出虧空各員請革職者一併勒令離任嚴審查追俱如所請行又疏言山西各營官兵不敷月糧例係折給自行採買奈連歲歉收今夏米價更昂應照時價酌議夏秋二季米價太原蒲州大同各營每石折給銀一兩二錢平陽汾州各營一兩五錢右衛殺虎口各銀一兩一錢暫增數月糧價官民大有裨益部議駁 特旨允行 革允

衲履郡王在固山貝子上行走以封後並不感激効力也浙閩總督滿保奏西洋人在各省起天主堂行教人心漸被煽惑請將各省西洋人除送京効力外餘俱安插澳門天主堂改爲公所誤入其教者嚴行禁飭從之冊立嫡妃那拉氏爲皇后

雍正二年正月年羹堯奏侍郎常壽葉西寧往青海爲羅卜藏丹津所獲旋放歸筆帖式多爾濟死之

上以羅卜藏丹津負國叛賊斷不可宥授提督岳鍾琪爲奮威將軍命年羹堯趣令討賊 命廂白旂蒙古都統武



格總管殺虎口至阿尔泰一路軍營事務

上諭內閣廣東總督楊琳辦理監務以來聞將窮民生理盡行霸佔百姓怨憤夫錢糧雖屬緊要當為百姓存留微利養生若既為錢糧起見又圖自己取利絲毫不與百姓使窮民失所成羣竊盜其害較缺欠錢糧為更大矣務須謹慎廉潔從公辦理方為稱職不可只為錢糧起見不顧百姓凜之慎之 年羹堯奏本年正月西寧東北郭隆寺眾喇嘛忽聚兵拒戰臣遣岳鍾琪同前鋒統領蘇領副都統覺羅伊禮布等進勦賊眾迎敵于哈拉直溝我軍奮擊

斬殺數千據其三嶺燬其十寨隨沿途燬其七寨焚居室七千餘所次日抵郭隆寺前後斬傷八千燬其寺隨將達克瑪胡上克圖正法 湖廣總督楊宗仁疏言立社倉實係美政臣與各官加意講求先擇地建倉然後勸捐穀本出納听民自主不許官吏會計侵肥並立獎掖尚義之典士民咸踴躍爭先江夏武昌蒲圻等二十州縣各建倉三五十所不等約共捐穀本將三十萬石效驗已著臣又傳湖南循此成法施行 旨據奏社倉一事于各省中尔先成創始之功殊可褒嘉 河南巡撫石文焯疏言豫省各



案虧空追比年久無可交賠者自今爲始將臣衙門所有司道規禮府州縣節禮及上下各衙門一切節壽規禮盡行革除以杜州縣藉口之端以塞上司勒索之路遵例令各知府遴委賢員將州縣銀櫃封驗眼同拆封將正項卽行起解使經征官絲毫不能侵挪所有耗羨每兩約一錢三分通計全省耗羨銀四十萬兩有奇除各官酌量給以養廉及各項雜用公費悉于此支給外每年約餘耗羨銀十六萬兩解貯司庫彌補虧空及辦公之用至各官俱有養廉足資上司不至苛求屬縣不至挪移庫項勒索之弊

除而公帑亦長無缺矣

上嘉納之 諭刑部彙奏本內有罪應割筋者定例固然但割後卽成廢人理宜審慎嗣後滿洲人有犯此罪之案另行具奏 禮部遵旨請於現任真定知府朱之璉一支揀選引見擇取一人隨差官同往祭告明太祖陵及昌平十三陵春秋二祭呈明前往從之 二月封明裔知府朱之璉爲一等侯世襲族內人丁入正白旗 年羹堯奏據岳鍾琪疏報二月初八日領兵出口至烏蘭博爾克賊人逃散隨三路追勦岳鍾琪至伊克哈爾吉擒獲阿尔布坦



溫布總兵黃喜林擒獲巴珠爾阿拉布坦溫布總兵克拉  
布坦並其叔伊克拉布坦收撫逃散部落 尙書勵廷儀  
請團練民壯於每州縣選取五十名分習器械尤壯者拔  
爲頭役

旨此奏甚好著嚴諭各省督撫實心奉行 年羹堯奏臣  
令涼莊道蔣洞率兵分五路進勦石門寺殺死喇嘛番賊  
六百餘人燬寺而還 吏部侍郎黃叔琳奏兵糧撥運支  
給俱布政司糧運爲政先期打點方撥臨近標營不卽撥  
遠汎加征運費輸輓累民兵丁噉噉待哺查標營汎地各

有定所屯衛征收亦有定額乞諭督撫確查兵數先儘本  
州縣衛所額米撥給不敷再予附近州縣撥運庶民無苛  
擾兵獲飽騰下部議行 刑部議五台山喇嘛鎖喇木元  
旦強姦民人杜青雲妻王氏王氏持刀詈拒至夜忿縊應  
建坊入祠喇嘛犯姦應比光棍爲首例斬立決著爲令從  
之

三月山西巡撫諾岷疏言太原平陽二府所轄州縣居通  
省三分之二地方遼濶經年不能周其地是以從前虧空  
知州毫無覺查今細察輿圖莫若照直隸州之制分轄請



將太原府屬之樂平孟縣壽陽分隸平定州定襄靜樂分隸忻州五台崞縣繁峙分隸代州河曲興縣分隸保德州平陽府屬之臨晉榮河萬泉猗氏分隸蒲州安邑夏縣平陸芮城垣曲分隸解州太平襄陵稷山河津分隸絳州蒲縣鄉寧分隸吉州大寧汾西永和分隸隰州一經分理則太原平陽所隸州縣各止十一地近則易周糧少則易核不惟虧空之弊可杜卽刑名詞訟亦簡而易理至直隸州各有倉庫向無專責恐致侵挪請將蒲州解州吉州絳州隰州錢糧就近令河東道盤查平定忻州代州保德州錢

糧令雁平道盤查其舊設之澤州遼州沁州錢糧令糧駟道盤查如通同隱匿失察照議處知府例處分又言山西掌印都司專督屯糧兼轄衛所今衛所議裁錢糧刑名原屬布接二司兼理請將該都司首領經歷裁汰均如所請行 河撫石文焯奏請將捐穀耗羨銀兩收存司庫留充公用奉

上諭耗羨存庫不過暫寄以備地方公用必不可歸入錢糧之內凡此羨餘概不得牽混正項國家經費自有常額若將此入正項爾等羨餘必仍另取不特名實相違且恐





移東就西反致滋弊 江南提督高其位奏言松江之泖湖澱湖澄湖港汊叢雜江浙錯壤與太湖毗連經兩省督撫與臣委官勘議防奸法計松江所屬通船要口一百十三處釘椿立柵以時啟閉官捐工料百姓樂趨事將次告成奏入 諭以權宜措施必無碍商民乃善 年羹堯奏臣遣岳鍾琪率大軍往勦青海拏獲羅卜藏丹津之母阿爾泰喀屯及其妹夫克勒克濟農藏巴吉查等並男女牛羊無數於烏蘭穆和兒隨分兵至烏蘭白克拏獲吹拉克諾木齊札錫敦多卜並男女駝馬及助亂之八台吉亦俱

拏獲羅卜藏丹津帶二百餘人逃竄潛匿青海平進年羹堯一等公再給一子爵令其子斌襲其父年遐齡如羹堯爵加太傅銜授岳鍾琪三歲公餘賞給有差 命原任將軍宗查布總管殺虎口至阿爾泰一路軍台并辦理遷移台站事務 遣使勅諭準噶爾台吉策妄拉布坦 年羹堯奏阿拉布坦蘇巴泰等沿路搶奪臣令總兵孫繼宗等進勦追敗之于推墨爾賊盡棄牲畜止率妻子遁去 江西巡撫裴率度摺奏湖日閔稅贏餘應悉解部奉 旨不准 年羹堯奏官兵敗賊于梭羅木夾木燦堪布喇嘛及



垂扎木索遁走濟木巴台吉斬之 年羹堯奏今策妄阿  
 拉布坦恭順遣使雖事屬未完而兵可暫撤回請於巴尔庫  
 尔吐魯番哈密布隆吉尔寧夏賀蘭山之外寺處酌駐兵  
 丁餘俱撤回原處議從之



東華錄卷之三十五終

